

Delirae mirantur anus: it fabula discors 140

Inter nutrices trimis cantanda puellis,

Nocturnosque loco lemures depellere certat,

Quid miserande taces, oculisque errantibus alte

Suspicias in caelum interdum, modo lumina terrae

Defigis, patulique stupes hebetis oris hiatu! 145

An ne hoc forte potes? Mentiri non datur uni

Ergo tibi? Quotus hoc sibi quisque negavit ineptus

Atque audax? Impune erit. Aude. Atque hoc quoque nescit.

O stipes vere ficulnus, inutile lignum!

Tunc ira pariter, motusque pudore superbo 150.

Extemplo coenam multis indicit amicis

Magna sui pateras inter monumenta daturus.

Adveniunt plures: discumbunt. At pater et Rex

Coenae, Lucillae clam multa locutus ad aurem,

Multaque subridens, multa et ridere paratus, 155

Magna expectanti similis jubet, ocyus illa

Ut patinae tollat majoris operculum, et intus

Servatas epulas in primis gnava ministret.

Vix patinae admovit digitos, vesica suilla

Evolat in caelum subito, et laquearia tangit. 160

Et nunc descriptos huc illuc fertur in orbes,

Pendula nunc medio libratur in aere, qualis

Stare loco visa est tellus, errare Cometes.

Alta supervolitat capita, affectatque lacunar

Fumosum sidus, caeli incrementa recentis. 165

O salvete sues! jam et vos dare sidera caelo

Fas, docti poterint quae dispexisse Conones.

Omnibus interea domini mens conscia vultus